



-Komunalno-sanitarno-vodoprivredni inspektor-

Broj: 06--49-Sl.-3 /18

Maglaj, 13.02.2018. godine

- **OPĆINSKI NAČELNIK**
- **SLUŽBA OPĆINSKOG NAČELNIKA
I OPĆINSKOG VIJEĆA MAGLAJ**

I Z V J E Š T A J
o radu
KOMUNALNO -SANITARNO-VODOPRIVREDNOG INSPEKTORA
Za period 01.01.-31.12.2017.godine

UVOD

Na osnovu člana 132. stav 2. tačka 3. Zakona o organizaciji organa uprave u Federaciji Bosne i Hercegovine ("Službene novine F BiH", broj: 35/05) općinski inspektor, je dužan podnijeti Izvještaj o izvršenim inspeksijskim kontrolama za proteklu godinu.

Cilj Izvještaja je ukazati na pojave i probleme, poduzeti aktivnosti sa prijedlogom mjera koje bi trebalo poduzeti za otklanjanje utvrđenih nezakonitih radnji ili ponašanja. U Izvještaju su obrađeni vidovi i načini kršenja zakona i drugih propisa, nedostaci u propisima te prijedlog u kojem bi pravcu trebalo mijenjati pojedina zakonska rješenja.

Općinska inspekcija nije samostalni organ, kao što su to Kantonalna i Federalna inspekcija, što stvara poteškoće u radu, počevši od ujednačavanja kriterija u inspeksijskim nadzorima svih inspekcija u Kantonu, a potom i u Federaciji, preko uspostavljanja informatičke potpore, kako u hardverskom tako i u softverskom smislu, do stalne edukacije općinskih inspektora u skladu sa zakonskom obavezom, ali i potrebom.

Komunalno-sanitarno-vodoprivredni inspektor je u izvještajnom periodu postupao u skladu sa utvrđenim nadležnostima propisanim Zakonom o organizaciji organa uprave u Federaciji Bosne i Hercegovine ("Službene novine F BiH", broj: 35/05), Zakonom o inspekcijama Zeničko-dobojskog kantona ("Službene novine Ze-Do kantona", broj: 6/11) i Zakonom o prekršajima Federacije Bosne i Hercegovine ("Službene novine F BiH", broj: 63/14).

Ovaj organ je shodno Programu rada za 2017. godinu sprovodio zakone i druge propise iz oblasti djelokruga rada, a to su komunalna, sanitarna i vodoprivredna inspekcija. U skladu sa ciljevima iz Programa inspektor je djelovao u protekloj godini prvenstveno preventivno i poduzimao korektivne

(upravne) mjere, dok se represivno djelovalo samo u jednom predmetu pri ponavljanju prekršaja.

OCJENA STANJA POSTIGNUTIH REZULTATA

U navedenom izvještajnom periodu ovaj organ je pri vršenju 470 inspekcijskih pregleda sačinio 112 zapisnika o inspekcijskoj kontroli i 28 službenih zabilješki. Iz komunalne inspekcije veći broj pregleda je urađen po zahtjevu stranke, dok iz sanitarne inspekcije većina pregleda je bila u vidu obaveze inspektora za vršenjem upravnog nadzora a koji se ostvaruje neposrednim uvidom u zakonitost rada iz te oblasti i eventualnim poduzimanjem mjera. Iz vodoprivredne inspekcije razlozi su bili podjednaki ali je broj učinjenih inspekcijskih pregleda daleko najmanji samo iz razloga obimnosti rada za jednog inspektora.

Zbirni podaci za period 01.01. - 31.12-2017.godine

| NAZIV INSPEKCIJE | Zapisnik | Zabilješka | Rješenje Upozorenje | Zaključak | Prekršajni nalog | Izrečena kazna (KM) | Prekršajna prijava | Obavijesti Informacije Izvještaji |
|-----------------------------|-----------------|-------------------|--------------------------------|------------------|-----------------------------|------------------------------------|-------------------------------|--|
| SANITARNA INSPEKCIJA | 39 | 1 | 14 | 16 | - | - | - | 27 |
| KOMUNALNA INSPEKCIJA | 70 | 24 | 27 | 30 | - | - | 1 | 36 |
| VODOPRIVRED NA INSPEKC. | 3 | 3 | 1 | - | - | - | - | 11 |
| UKUPNO | 112 | 28 | 42 | 46 | - | - | 1 | 74 |

Zbog utvrđenih nepravilnosti prilikom inspekcijskih nadzora doneseno je 37 rješenja. Svi subjekti nadzora nakon zaprimanja rješenja postupili su po istim čime se na korektivan način postizalo poduzimanje mjera za provođenje zakonskih obaveza iz određenih oblasti. U jednom predmetu je podnesena prekršajna prijava nadležnom sudu i nakon održane rasprave stranka je kažnjena sa 350,00 KM uz odgodu plaćanja na 6 mjeseci. Broj izdatih rješenja, upozorenja i zahtjeva za intervenciju kojim se nalaže otklanjanje utvrđenih nedostataka ukazuje na preventivno, odnosno korektivno djelovanje inspektora (upozoravanje subjekta nadzora na obaveze iz propisa, ukazivanje na štetne posljedice, predlaganje mjera za otklanjanje njihovih uzroka i sl.).

U izvještajnom periodu inspektor je u svojstvu svjedoka pristupio jedan puta na usmeni pretres na Općinskom sudu Zavidovići Odjeljenje u Maglaju.

U periodu od juna do decembra mjeseca ovaj organ je aktivno radio na izradi Elaborata – „Katastar objekata vodosnabdjevanja općine Maglaj, sa prijedlogom sistema organizacije, nadzora i reagovanja u kriznim situacijama“ zajedno sa izvođačima na izradi Elaborata, Zavodom za javno zdravstvo Federacije BiH i Institutom za hidrotehniku d.d. Sarajevo. Pod navedenim radom podrazumjeva se rad shodno Projektom zadatku, a to je obilazak lokalnih objekata za vodosnabdjevanje, koji nisu pod nadzorom javnog vodovoda radi snimanja lokacije i anketiranja vlasnika a potom i uzorkovanje i analiza vode za uzete uzorke. Urađeno je uzorkovanje 100 vodnih objekata, kako je po Projektu izrade Elaborata, uz uzimanje još 7 dodatnih uzoraka vode radi dobivanja tačnih podataka obzirom na lokacijsku udaljenost izvorišta za isti vodovod, potom 10 uzoraka za izradu legionele i 5 uzoraka za izradu radioaktivnosti. Za svih 100 vodnih objekata izvršena je obrada podataka prikupljenih na terenu u uvedena GIS bazu podataka.

Inače Elaborat za izradu kojeg su obezbjeđena sredstva po Javnom pozivu Fonda za zaštitu okoliša F BiH i Općine Maglaj je urađen u planiranom roku i u potpunosti je zadovoljio Projektni zadatak.

Izvještaj o radu inspektora zasniva se na Programu rada, sedmičnim i mjesečnim planovima rada inspektora koji djeluju unutar ovog organa. Izvršenje konkretnih poslova i radnih zadataka u značajnoj mjeri zavisilo je i od trenutnog stanja na terenu u svakoj pojedinoj oblasti u kojoj inspektor nadzire kao i od konkretno dobivenih posebnih zaduženja od Općinskog načelnika.

U izvještajnom periodu inspektor se obratilo preko 200 stranaka sa različitim razlozima obraćanja, uglavnom iz oblasti komunalne i vodne inspekcije, obzirom da je sanitarna inspekcija oblast gdje inspektor više djeluje po službenoj dužnosti. Sve stranke koje su se obratile inspekciji dobile su odgovore na licu mjesta bez potrebe za podnošenjem zahtjeva za daljim postupanjem inspektora ili uz intervencije inspektora izlaskom na lice mjesta ali bez potrebe za otvaranjem predmeta.

Jedan od važnih aspekata u radu ove inspekcije je svakako i odnos prema javnosti, odnosno medijima, tj. putem sredstava javnog informisanja javnost obavijestiti na brz i efikasan način o svim bitnim, a u tom momentu aktuelnim segmentima dešavanja ili problema koji su u nadležnosti ove inspekcije. Navedeno je urađeno putem RTV Maglaj u 7 objavljenih obavijesti ili upozorenja, kao i u 3 objave na internet stranici Općine Maglaj.

Ono što treba istaći kao pozitivan primjer je svakako i saradnja sa kantonalnom inspekcijom (Ze-Do kantona) kada je god to bilo potrebno a posebno kod zauzimanja stavova o pojedinim pitanjima koji nisu jasno definisani zakonom, potom sa nekolicinom općinskih inspekcija iz okruženja, a i sa federalnom inspekcijom, prvenstveno inspekcijom za vode gdje i Zakon o vodama nalaže dva puta godišnje održavanje zajedničkih sastanaka svih vodnih inspektora iz Federacije BiH u cilju konsultacija, razmjene iskustva i rješavanja problema iz navedene oblasti.

KOMUNALNA INSPEKCIJA

Programom rada za 2017. godinu planirano je koje poslove će obavljati komunalno-sanitarno-vodoprivredni inspektor iz nadležnosti komunalne inspekcije. Za navedeni period obavljeno je 248 pregleda kako po zahtjevu za izlazak na lice mjesta fizičkih ili pravnih lica tako i po službenoj dužnosti.

Izdata rješenja su se odnosila uglavnom na otklanjanje nedostataka na zbrinjavanju otpadnih i fekalnih voda u vangradskom području obzirom da su riješena u većini slučajeva neadekvatnim septičkim jamama čije pražnjenje se ne obavlja redovno a prelivi su provedeni na javne (u većini slučajeva putne kanale ili pak potoke) ili privatne površine. Nažalost ima i kuća koje neposjeduju uopšte izgrađenu septičku jamu i direktno iz domaćinstva fekalne i otpadne vode su izvedene van kuće na okolni prostor. Gradnja većine septičkih jama je bez projektne dokumentacije.

Ovakvim načinom postupanja obezbjeđuje se mogućnost zagađenja zemljišta i podzemnih voda, a time i voda koje se koriste za piće, i bilo bi potrebno da prvenstveno MZ ovoj vrsti problema obrate potrebnu i zasluženu pažnju, tim prije što organizovanje izgradnje vitalne strukture u naseljenim mjestima, kao što su izgradnja vodovoda, kanalizacije, puteva i sl. je u nadležnosti organa mjesne zajednice, odnosno cijele lokalne zajednice.

Veliki broj podnesenih zahtjeva stranki odnosio se na neriješen problem odvođenja otpadnih i fekalnih voda iz domaćinstava. Činjenica je da ni jedna mjesna zajednica nema riješen problem kanalizacije – osim MZ Ulišnjak, djelimično, MZ Bijela Ploča, nezadovoljavajuće, i MZ Misurići, polovično jer je u toku izgradnja u etapama, ali i tamo gdje je izgrađena kanalizacija KJD nema evidenciju koji su subjekti (kako pravni tako ni fizički) priključeni na istu. Ono što je poznato ovom organu to je da projekat izgradnje kanalizacije u Misurićima nije obuhvatio sve objekte i da u svakom slučaju treba otkloniti propušteno za učiniti, pri radu na završenom dijelu kanalizacione

mreže na relaciji KJD – Općina – MZ zarad ostvarivanja namjene izgrađenog dijela kanalizacije kao i ne stvaranja istih problema pri izgradnji preostalog dijela kanalizacije u Misurićima kako bi se definitivno ukinule septičke jame i postigao puni efekat u zaštiti životne okoline.

U MZ koje nisu naprijed navedene problem odvodnje otpadnih i fekalnih voda nije gotovo nikako riješen. Nezamislivo je da se kuća izgradi, useli, sa dovedenom vodom ali bez izgrađene septičke jame po projektu, a nije mali broj kuća koje je uopšte nemaju već otpadne i fekalne vode direktno ispuštaju u najbliži potok, putni kanal ili pak komšiji na njivu. O posljedicama navedenog čina ne treba pisati. U rješavanje navedenog problema nažalost uključen je i mali broj rukovodstva mjesnih zajednica, a ovaj organ navedene probleme može rješavati samo pojedinačno čime se ne postiže baš puno obzirom na značaj istog po ljudsko zdravlje.

Općina Maglaj je u skladu sa članom 89. stav 2. tačka b) i članom 90. stav 2. Pravilnika o uslovima minimalne tehničke opremljenosti poslovnih prostora za obavljanje trgovine i trgovinskih usluga ("Sl. novine F BiH", broj: 49/12) riješila problem „mliječne pijace“ te od 22. februara prodaja mlijeka, mliječnih proizvoda, jaja, suhog mesa i drugih proizvoda organskog porijekla vrši se u zatvorenom prostoru Tržnog centra.

Ostaje poduzimanje mjera Općine na rješavanju problema prodaje robe odnosno određivanju prostora za prodaju rabljene robe i robe široke potrošnje. Prećutno se ista pijačnim danom održava na lokaciji Trg Alije Izetbegovića bez bilo kakvih upustava, obaveza prodavača, obilježenog prostora za obavljanje iste, odnosno pijačnog reda. Sve navedeno otežava, odnosno onemogućava rad ovog organa iz nadležnosti komunalne inspekcije kako bi se postupalo u skladu sa svojim ovlaštenjima propisanim Odlukom o komunalnom redu ("Sl. novine Općine Maglaj", broj: vanredno izdanje/12) i Odlukom o korištenju javnih površina ("Sl. Novine Općine Maglaj", broj: 3/04).

Obzirom na česte probleme koji se javljaju na zajedničkim dijelovima i uređajima zgrade i intervencije ovog organa po istim (izgradnju hidrofora po podrumima, od strane pojedinih stanara, prokišnjavanje krovova, poplave u stanovima, stradanje vodne i kanalizacione instalacije...), otežan je rad inspektora na rješavanju navedenih problema znajući za postupanje po novom Zakonu. Zakon o korištenju, upravljanju i održavanju zajedničkih dijelova i uređaja zgrade ("Sl. novine Ze-Do kantona", broj: 4/16) propisuje obaveze i nadležnosti Općinske službe nadležne za stambene poslove, odnosno Općine, sa rokovima izvršenja istih bez kojih nije moguće provođenje navedenog Zakona. Takođe i Općinsko Vijeće shodno članu 50. navedenog Zakona dužno je u roku od 60 dana od dana stupanja na snagu ovog Zakona donijeti, odnosno uskladiti propise iz oblasti korištenja, upravljanja i održavanja zajedničkih dijelova i uređaja zgrade sa odredbama istog.

Treba napomenuti da se pomenutim Zakonom tretira kao učinjeni prekršaj od strane Općine sa kaznenim odredbama ukoliko ista nije u zakonom predviđenom roku odredila prinudnog predstavnika etažnih vlasnika, odnosno nije odredila prinudnog upravitelja za svaku zgradu na području svoje teritorije ukoliko isti nisu već određeni od strane samih etažnih vlasnika. Trenutno na našoj Općini postoje dva registrovana pravna lica za obavljanje poslova upravitelja ali je samo nekolicina zgrada koja je izvršila svoju zakonom predviđenu obavezu izbora jednog od njih u svrhu održavanja i upravljanja zajedničkim dijelovima i uređajima zgrade.

Obzirom na probleme koji prate neodržavanje zajedničkih dijelova i uređaja čije je rješavanje javni interes, prvenstveno u cilju zaštite života i sigurnosti ljudi i imovine neophodno je izvršiti provođenje zakonskih odredbi koje se odnose na obaveze Općine.

Potom i u protekloj godini radilo se na rješavanju problema vezanih za odlaganje komunalnog otpada u vangradskim naseljima na nedozvoljenim mjestima (što je posebno izraženo u MZ u kojima nije regulisan organizovani odvoz komunalnog otpada), zatim, komunalna higijena u gradu, zauzimanje i korištenje javne površine bez odobrenja nadležne općinske službe, korištenje i

održavanje zajedničkih dijelova zgrada, držanje domaćih životinja i kućnih ljubimaca i dr.

Zbog problema koji su vrlo često prisutni iz nadležnosti komunalne inspekcije, a za rješavanje istih prepreku ili poteškoću predstavlja neusklađenost novih zakonskih akata sa Općinskim "starim" Odlukama koje su rađene na osnovu davno isteklih zakonskih propisa, ili pak nepostojanja istih a u novim zakonskim odredbama određena je obaveza donošenja istih, neophodno je, u skladu sa zakonskim aktima koji su na snazi raditi nove ili pak uraditi izmjene postojećih Općinskih akata, (u skladu sa važećim zakonskim aktima) a navedene staviti van snage.

Odluke na koje se navedeno odnosi su dole nabrojane:

- **Odluka o korištenju javnih površina ("Sl. novine općine Maglaj", broj: 3/04)** koja je donesena na osnovu isteklog Zakona o prostornom uređenju ("Sl. novine F BiH", broj: 52/02).
- **Odluka o vodovodu i kanalizaciji ("Sl. novine Općine Maglaj", broj: 9/03)** urađena i donesena između ostalih i na osnovu Zakona o vodama ("Sl. Novine F BiH", broj: 18/98), Zakona o vodama Ze-Do kantona ("Sl. Novine Ze-Do kantona", broj: 8/00), Zakona o prostornom uređenju ("Sl. list SR BiH"; broj: 9/87-prečišćen tekst) i Zakona o prekršajima Ze-Do kantona ("Sl. Novine Ze-Do kantona", broj: 10/98 i 10/99) a da odredbe svih navedenih Zakona stavljene van snage a Zakoni prestali da važe jer su usvojeni novi.
- Shodno članu 28. Zakona o vodama Zeničko-dobojskog kantona ("Sl. novine ZE-DO kantona", broj: 17/08) naša Općina ima obavezu donijeti i **odluku o odvodnji otpadnih voda** koju do sada nije posjedovala a kojom bi se regulisao i problem odvodnje **oborinskih voda** koji Općina Maglaj nema riješen (pitanje održavanja odvoda oborinskih voda na području grada...).
- **Odluka o javnom redu i miru na području Općine Maglaj ("Sl. novine Općine Maglaj", broj: 7/08)** koju je potrebno uraditi radi usklađivanja odredbi ove Odluke sa najnovijim propisima – do danas važeći Zakon o javnom redu i miru Ze-Do kantona četiri puta mjenjan, potom donesena je nova Odluka o komunalnom redu i sanitarno higijenskim mjerama Općine Maglaj, potom treba izvršiti njeno usklađivanje sa novim Zakonom o prekršajima FiB ("Sl. Novine F BiH", broj: 63/14) i novim Zakonom o zaštiti od buke Ze-Do kantona ("Sl. Novine Ze-Do Kantona", broj: 1/2014).
- Navedeni novi Zakoni, kao i novi Zakon o ugostiteljskoj djelatnosti iziskuju donošenje i nove ili izmjenu i dopunu sadašnje **Odluke o radnom vremenu u određenim djelatnostima na području Općine Maglaj ("Sl. novine Općine Maglaj", broj: 3/97)** te usklađivanje iste sa navedenim Zakonima kao i novom Odlukom o javnom redu i miru na području općine Maglaj (koja se treba uraditi).
- Treba napomenuti još jedan akt za čije donošenje odnosno posjedovanje je nadležna Općina shodno članu 18., 19. i 20. Zakona o komunalnim djelatnostima ("Sl. list SR BiH", broj: 20/90), i **Zakonu o pogrebnoj djelatnosti i o uređivanju i održavanju groblja ("Sl. list Socijalističke Republika BiH", broj: 5/77)** a koji bi regulisao pitanja vezana za vlasništvo nad grobljima, uređenje i održavanje istih.
- **Odluka o kućnom redu i održavanju i korištenju zajedničkih dijelova i uređaja u stambenim i stambeno-poslovnim zgradama na području općine Maglaj („Sl. novine Općine Maglaj“, broj: 8/00)** nije usklađena sa Zakonom o korištenju, upravljanju i održavanju zajedničkih dijelova i uređaja zgrade („Sl. novine Ze-Do kantona“, broj: 4/16) a što je obaveza proistekla iz člana 50. navedenog Zakona.
- **Pravilnik o uslovima za obavljanje poslova upravitelja i Upustvo o načinu promjene upravitelja** koji je naložen za donijeti shodno članu 32. stav 1. Zakona o korištenju, upravljanju i održavanju zajedničkih dijelova i uređaja zgrade („Sl. novine Ze-Do kantona“,

broj: 4/16).

U protekloj godini često je bilo pritužbi od strane građana na prisustvo pasa lotalica, koji su na žalost s vremena na vrijeme bili prisutni i u većem broju. Općina ima zakonsku obavezu adekvatnog i efikasnog uklanjanja pasa lotalica sa ulica. Ta obaveza proističe iz **Zakona o zaštiti i dobrobiti životinja ("Službeni glasnik BiH", broj: 25/09)** u kom su navedeni i načini zbrinjavanja pasa lotalica a koji se mogu definisati u **Projektu zbrinjavanja pasa lotalica na području općine Maglaj.**

Obzirom da je Ugovor o davanju u zakup građevinskog zemljišta za uređenje parking prostora potpisan između Općine Maglaj i RVI Maglaj istekao 12.12.2001. godine a prećutno produženje istog nastavljeno do 26. redovne sjednice Općinskog vijeća koja je održana 07.05.2015. godine i produžetka iste 14.05.2015. godine kada je usvojen Zaključak OV broj: 02-05-1-1095/15 od 17.05 2015. godine kojim se navedeno prekida i nalažu mjere za rješavanje problema javnih parkirališta. Navedeni problem još nije riješen ali od navedene sjednice OV **javne površine koje su se koristile kao javna parkirališta nisu data na čišćenje i održavanje KJD niti drugom pravnom licu što je u protekloj godini predstavljalo problem kada je čistoća navedenih površina u pitanju kao i čišćenje snijega jer se nisu održavale redovno.**

SANITARNA INSPEKCIJA

U izvještajnom periodu Komunalno-sanitarno-vodoprivredni inspektor na području općine Maglaj radeći na kontroli provođenja zakonskih i drugih propisa iz **sanitarne inspekcije** obavio je 136 pregleda objekata i poslovnih prostora, proizvoda, roba i usluga sanitarnih isprava i drugih radnji iz oblasti koju kontroliše sanitarna inspekcija, uglavnom po službenoj dužnosti.

Obzirom da se veći broj kontrola obavljao u novootvorenim objektima ili kod subjekta nadzora koji rade od prije ali je kontrola vršena po prvi put, u većini istih postupano je preventivno ili korektivno, između ostalog i zbog nepoznavanja zakonskih odredbi pravnih ili fizičkih lica, kao stranaka, koje moraju ispunjavati iz navedene oblasti. Doneseni pravni akti (rješenja, upozorenja..) odnosili su se uglavnom na obavljanje zdravstvenog pregleda na kliconoštvo, polaganje sanitarnog minimuma za zaposlene koji rade sa prehrambenim namirnicama ili predmetima opšte upotrebe, uništavanje higijenski neispravnih prehrambenih namirnica, ispunjavanje minimalnih uvjeta u ugostiteljstvu, pekarama, kuhinjama, trgovinama prehrambenih namirnica i predmeta opšte upotrebe, nošenje radne odjeće na radnim mjestima, čišćenje i obavezna dezinfekcija, dezinsekcija i deratizacija poslovnih prostora, radnih površina...i dr. Donesena su i tri rješenja za izvršenje ekshumacije posmrtnih ostataka na području općine pri obavljanju kojih, u skladu sa zakonom, bio je nazočan ovaj organ.

Uz pripremu i kontrolu izvođenja u proteklom izvještajnom periodu su izvršene dvije preventivne sistematske deratizacije (proljećna i jesenja) shodno Zakonu o zaštiti stanovništva od zaraznih bolesti ("Sl.novine F BiH", broj: 29/05) od strane JU Institut za zdravlje i sigurnost hrane Zenica.

U izvještajnom periodu praćeno je uzimanje briseva kao i uzoraka životnih (prehrambenih) namirnica i gotovih proizvoda u prometu od strane JU Institut za zdravlje i sigurnost hrane. O eventualno negativnim laboratorijskim rezultatima ovaj organ je redovno i na vrijeme obavještavan i shodno navedenim nedostacima poduzimane su aktivnosti na suzbijanju tj. rješavanju problema. Na osnovu dostavljenih analiza po potrebi su poduzimane upravne mjere za otklanjanje nedostataka u najkraćem mogućem roku.

Sa početkom nove školske godine u izvještajnom periodu, započeta je i kontrola higijensko sanitarne ispravnosti škola, školskih kuhinja i ispravnosti hrane u istim (u školama gdje kuhinje

postoje) kao i vode za piće.

U svim školama vršena je kontrola vode za piće (OV-u na znanje dostavljena Informacija o kvalitetu vode u osnovnim školama na području općine Maglaj, broj: 06-37-4-1819/17 od 09.10.2017. godine) i u školama kod kojih dobiveni rezultati urađenih analiza pokazuju da je voda neispravna do daljnjeg su isključene iz upotrebe u smislu korištenja kao prehrambene namirnice – za piće. Takođe, gdje ispitani uzorak ne zadovoljava prema Pravilniku o zdravstvenoj ispravnosti vode za piće poduzete su aktivnosti na rješavanju problema koliko je to moguće a ovaj organ je aktivno uključen.

Direktori navedenih škola su se aktivno uključili u cilju poduzimanja mjera i rade na rješavanju problema vezanih za pitku vodu kao i redovnog upoznavanja školske djece sa kvalitetom vode jer navedeno zasigurno predstavlja problem koji zaslužuje pažnju i koji treba rješavati.

U mjesecu martu i avgustu (pri izradi Elaborata) uzeti su i ispitani uzorci vode iz javnih česmi odobrenih za kontrolu Odlukom OV od 2007. godine i jedna javna česma odobrena Zaključkom OV 2015. godine. Kontrolisanjem zdravstvene ispravnosti vode sa javnih česmi (sporadičnim odlukama kontrola ispravnosti vode iz javnih česmi rađena je od 2005. godine) dobiveni rezultati pokazuju da samo 20 -25 % uzetih uzoraka pokazuje i mikrobiološku i fiziko hemijsku ispravnost od ukupnog broja uzetih uzoraka. Naime, konstatovano je da se samo pojedine javne česme, i to površno održavaju, da ih je određen broj koje se uopšte ne održavaju a nekolicina je potpuno uništena (Hasanbegova vodica – Borik, ul.Braća Bašić...). Nema podataka o čišćenju sabirnih rezervoara od mulja, kaptaža, izlaznih cjevovoda, uže okoline prostora vezanog za javne česme kao i urađenih dezinfekcija. Sve navedeno utiče na izuzetno loše rezultate analiza vode prvenstveno mikrobiološke, tako da kvalitet vode nekih od javnih česmi već godinama ne udovoljava zahtjevima Pravilnika o zdravstvenoj ispravnosti vode za piće („Službeni glasnik BiH”, broj: 40/10) i ne može se koristiti za piće.

Predlažem da se preispita Odluka OV od 2007. godine i utvrde koje su to javne česme koje građani koriste i održavaju i koje treba kontrolisati obzirom da je proteklo dosta vremena od prethodnog razmatranja navedene teme.

Stanje u oblasti sanitarne inspekcije dobrim dijelom bi se poboljšalo donošenjem novog zakona o sanitarnoj inspekciji, kao i donošenjem propisa iz oblasti zdravstvenog nadzora životnih namirnica, kao i propisa koji uređuju sanitarno-tehničke i higijenske uvjete, s obzirom da sanitarna inspekcija uglavnom radi po zakonima i propisima koji su preuzeti iz SR BiH i SFRJ, a važećim Zakonom o zaštiti stanovništva od zarazni bolesti su rigorozne kaznene odredbe, minimalne kazne su 2.000,00 za fizička, odnosno 3.000,00KM za pravna lica.

VODOPRIVREDNA INSPEKCIJA

Predmeta iz oblasti vodne inspekcije bilo je najmanje prvenstveno iz razloga što ovaj organ nije vremenski, odnosno fizički stigao odgovoriti radno na sve tri inspekcije ravnomjerno a uz to i kvalitetno. Od 86 pregleda doneseno je jedno rješenje o otklanjanju nedostataka, a tekući problemi su se nastojali rješavati usmenim nalaganjima za postupanje pri izlasku na lice mjesta.

Najveći broj pregleda se odnosio na pitanja uređenja vodotoka odnosno na izgradnju vodnih objekata na vodnom dobru, bacanja otpada na obale i slivove voda, zatim rješavanje problema čišćenja obala, preusmjeravanja tj. oduzimanja izvorišta vode za opću upotrebu građana, potom nesuglasice korisnika lokalnih vodovoda oko korištenja, bespravna priključenja na lokalne vodovode...

Obzirom na prioritet i obim problema u radu ovog inspektora iz oblasti sanitarne i komunalne inspekcije na općini Maglaj to je ostalo apsolutno nedovoljno prostora za rad i na rješavanju problema iz oblasti vodne inspekcije.

Sa naprijed navedenom izradom Elaborata – „Katastar objekata vodosnabdjevanja općine Maglaj, sa prijedlogom sistema organizacije, nadzora i reagovanja u kriznim situacijama“, kada je pitka voda u pitanju naša Općina započela je sa izradom zvaničnog registra - katastra voda i izvorišta shodno članu 120. tačka 1. u kojem stoji da: Ministarstvo i Općinska služba dužni su uspostaviti i trajno voditi evidenciju o vodovodima iz člana 12. stav 1. ovog Zakona, svako u okviru svoje nadležnosti. Potrebno je nastaviti započeto tj. rad na registaru, izvršiti evidenciju i svih ostalih vodovoda koji nisu ovaj put obuhvaćeni a potom raditi na edukaciji stanovništva po navedenom problemu i provođenju ostalih regulativa do dobivanja vodne dozvole.

Činjenica je da su stanovnici naše općine zainteresovani da znaju kakvog je kvaliteta voda koju piju, kako postići isti, kako dobiti neophodne zakonske akte za dozvoljeno korištenje vode koju koriste, kako postupiti u kriznim situacijama i još mnogo toga. Obzirom na navedeno i na pitanja koja prilikom izlaska na teren mještani postavljaju neophodno je pomoći stanovnicima općine Maglaj da svi dođu do odgovora: kakav je uticaj kvaliteta vode u LV na zdravlje korisnika, kako legalno izgraditi i urediti vodovod, kako organizovati upravljanje i održavanje vodnog sistema, kako obezbjediti adekvatnu sanitaciju? Ne treba zaboraviti da je voda osnovna životna namirnica.

Problemi sa kojima se susreće ovaj organ u svom radu

Osim već naprijed navedenog u Izvještaju o radu za proteklu godinu ovog organa, činjenica je da se zasniva na jednom izvršiocu iz oblasti komunalne, sanitarne i vodoprivredne inspekcije, tri obimne i složene inspekcije što predstavlja značajan problem u radu ovog inspektora. Navedeno prvenstveno dolazi do izražaja pri provođenju zakonskih odredbi jer je teško ili bolje rečeno nemoguće uspješno obavljati poslove iz sve tri inspekcije ako se poštuje pravilo da se inspekcijski nadzor treba odrađivati brzo i učinkovito, a da inspektor osim što radi na utvrđivanju stanja radi izvršavanja zakona i drugih propisa, djeluje korektivno i represivno, treba da radi i prvenstveno preventivno. Napominjem da je sve više zakonskih odredbi, tj. pravnih regulativa za koje treba kontrolisati njihovu primjenu i provođenje, a problema iz sve tri oblasti koje pokriva ovaj organ je sve više.

Eko-policajac koji treba da surađuje sa inspektorom i prema Odluci o komunalnom redu između ostalog, pomaže mu, prvenstveno u dijelu komunalnih poslova, upozorava fizička i pravna lica na ponašanje u skladu sa Odlukom...nažalost, obavlja prioriteto poslove kurira, referenta nabavke, vozača... a poslovi eko policajca su posljednji i to ako je preostalo vremena od već navedenih obaveza, bez obzira što i te kako ima potrebe za eko policajcem.

NAPOMENA

U periodu 24.04.-28.04., 14.06.-12.07. i 03.10.-06.10.2017. godine bila odsutna sa radnog mjesta iz zdravstvenih razloga, tj. na bolovanju.

Dostavljeno:

- 1) Naslovu 2x,
2. a/a.



Komunalno-sanitarno-vodoprivredni inspektor

M.P.

Merima Mahmutović, dipl. ing.tehnol.



-Komunalno-sanitarno-vodoprivredni inspektor-

Broj: 06-49-Sl.-4 /18

Maglaj, 15.02.2018. godine

**PROGRAM
rada u 2018.godini**

INSPEKCIJSKI POSLOVI

Prema Pravilniku o unutrašnjoj organizaciji općinskih službi, tri općinske inspekcije sistematizovane su u jednu inspekciju u Službi Općinskog načelnika i Općinskog vijeća i to: komunalna, sanitarna i vodoprivredna inspekcija. Obzirom na specifičnost rada svake od navedenih inspekcija ovim Programom rada za 2018. godinu programski zadaci planirani su odvojeno po pojedinim inspekcijama. Program rada navedenih inspekcija komunalno, sanitarno i vodoprivredni inspektor će u toku 2018. godine obavljati u okviru svojih nadležnosti a u skladu sa Zakonom o organizaciji organa uprave u F BiH („Sl. novine F BiH“, broj: 35/05), Zakona o inspekcijama Ze-Do kantona („Sl. novine Ze-Do kantona“, broj: 6/11), Zakona o prekršajima („Sl. novine F BiH“, broj: 63/14) i Zakona o upravnom postupku („Sl. novine F BiH“, broj: 2/98 i 48/99), vršiti nadzor nad sprovođenjem i izvršavanjem Zakona i općih akata iz navedene tri inspekcije kako slijedi:

Komunalna inspekcija

Iz oblasti komunalne inspekcije planira se načiniti 100 inspeksijskih pregleda. Broj upravnih mjera, izdatih prekršajnih naloga kao i drugih pravnih akata, ne može se planirati jer je isti ovisan o stanju zatečenom prilikom vršenja inspeksijskog nadzora. U svome radu inspektor planira inspeksijske preglede obavljati u sljedećim oblastima:

- Vršiti nadzor nad provođenjem Zakona o komunalnim djelatnostima, Općinske Odluke o komunalnom redu i higijensko-sanitarnim mjerama, Općinske Odluke o kućnom redu i održavanju i korištenju zajedničkih dijelova i uređaja u stambenim i stambeno-poslovnim zgradama, Općinske Odluke o vodovodu i kanalizaciji, te poduzimati mjere za otklanjanje uočenih nedostataka,
- Vršiti nadzor nad provođenjem Zakona o korištenju, upravljanju i održavanju zajedničkih dijelova i uređaja zgrade, Zakona o zaštiti od buke, Općinske Odluke o javnom redu i miru, Općinske odluke o korištenju javnih površina te poduzimati mjere za otklanjanje uočenih nedostataka,
- U okviru inspeksijskog nadzora poduzimati korektivne, represivne i preventivne mjere,
- Rad sa strankama i po zahtjevima stranaka,
- Pratiti obavljanje i održavanje komunalnog reda i higijene na području općine Maglaj,
- Učestvovati u izradi nove Općinske regulative koja uređuje oblasti komunalne higijene i komunalnog reda,
- Pratiti primjenu i svih ostalih zakona i propisa u oblasti komunalne djelatnosti,
- U skladu sa utvrđenim nadležnostima propisanim Zakonom o organizaciji organa uprave u Federaciji Bosne i Hercegovine, Zakonom o inspekcijama Zeničko-dobojskog kantona,

potom u skladu sa programom rada Općinskog vijeća, redovno i prema potrebi pripremati izvještaje za Općinsko vijeće, Općinskog načelnika kao i izvršavati konkretne poslove i radne zadatke po zaduženju Općinskog načelnika.

Sanitarna inspekcija

Iz oblasti sanitarne inspekcije planira se načiniti 100 inspekcijskih pregleda. Broj upravnih mjera, izdatih prekršajnih naloga kao i drugih pravnih akata, ne može se planirati jer je isti ovisan o stanju zatečenom prilikom vršenja inspekcijskog nadzora. U svome radu inspektor planira inspekcijske preglede obavljati u sljedećim oblastima:

- Vršiti nadzor nad provođenjem Zakona o sanitarnoj inspekciji, Zakona o zaštiti stanovništva od zaraznih bolesti, Zakona o zdravstvenom nadzoru životnih namirnica i predmeta opšte upotrebe, Zakona o zdravstvenoj ispravnosti životnih namirnica, Zakona o hrani i drugim propisima,
- Vršiti nadzor nad sprovođenjem i poduzimanjem mjera za sprječavanje i suzbijanje zaraznih bolesti,
- Aktivno učestvovati u edukaciji osoba koje rade sa prehrambenim namirnicama, sirovinama za proizvodnju prehrambenih namirnica i predmetima opšte upotrebe,
- Vršiti kontrolu sanitarno-tehničkim i higijenskim uslovima u javnim objektima (javni lokali, škole, zdravstvenim ustanove, ustanove socijalne i dječije zaštite, objektima i sredstvima javnog prevoza, svim objektima u kojima se vrši prodaja ili prerada prehrambenih namirnica i predmeta opšte upotrebe...) i drugim mjestima od značaja za osiguranje sanitarne, higijenske i protivepidemijske zaštite,
- U saradnji sa lokalnom i kantonalnom zdravstvenom službom sprovođiti zakonom predviđene opšte i posebne mjere u borbi protiv nastanka i širenja zaraznih bolesti,
- Učestvovati u pripremi i kontrolisati provođenje zakonski obavezne DDD, a shodno Pravilniku o načinu obavljanja obavezne dezinfekcije, dezinspekcije i deratizacije na području općine 2x godišnje deratizacije, tj. u svim objektima za proizvodnju, skladištenje i promet životnih namirnica i sirovina za njihovu proizvodnju...i svakih 60 tj. 90, odnosno 90 tj. 180 dana dezinfekcije i dezinspekcije,
- Vršiti kontrolu kvaliteta i ispravnosti vode za piće i uređaja za snabdjevanje te shodno rezultatima istih poduzimati zakonom predviđene mjere a sve u cilju zaštite zdravlja građana,
- Vršiti periodično kontrolu ispravnosti vode na javnim česmama i sa dobivenim rezultatima redovno obavještavati građane,
- Vršiti nadzor nad licima koja podliježu obaveznom zdravstvenom pregledu,
- Vršiti kontrole proizvodnje i prometa životnih namirnica i predmeta opće upotrebe koji su pod sanitarnim nadzorom,
-
- Na zahtjev stranaka raditi postupke ekshumacije, identifikacije i prenosa umrlih lica,
- Pratiti primjenu i svih ostalih zakona i propisa u sanitarno-tehničkim i higijenskim oblastima,
- U skladu sa utvrđenim nadležnostima propisanim Zakonom o organizaciji organa uprave u Federaciji Bosne i Hercegovine, Zakonom o inspekcijama Zeničko-dobojskog kantona, potom u skladu sa programom rada Općinskog vijeća, redovno i prema potrebi pripremati izvještaje za Općinsko vijeće, Općinskog načelnika kao i izvršavati konkretne poslove i radne zadatke po zaduženju Općinskog načelnika.

Vodoprivredna inspekcija

Iz oblasti vodoprivredne inspekcije planira se načiniti 50 inspekcijskih pregleda. Broj upravnih

mjera, izdatih prekršajnih naloga kao i drugih pravnih akata, ne može se planirati jer je isti ovisan o stanju zatečenom prilikom vršenja inspekcijskog nadzora. U svome radu inspektor planira inspekcijske preglede obavljati u sljedećim oblastima:

- Tokom 2017. godine vodna inspekcija će vršiti nadzor nad izvršavanjem Zakona o vodama Ze-Do kantona, i drugih propisa kojima se reguliše oblast vodne inspekcije na području općine Maglaj,
- Sprječavati neovlašteno korištenje vode u skladu sa odredbama Zakona o vodama Ze-Do kantona,
- Sprječavati i ograničavati ostvarivanje prava na korištenje vode, ako se ona ne koristi u skladu sa odredbama Zakona o vodama Ze-Do kantona,
- Zajedno sa građevinskim inspektorom zaustavljati izgradnju ili izvođenje zahvata u prostoru, ako se ta izgradnja i zahvati izvode bez vodne saglasnosti ili u suprotnosti s njom na površinskim vodama,
- Određivati privremeni prekid obavljanja djelatnosti, ako se krše odredbe vodne dozvole,
- Kontrolisati vađenje materijala iz površinskih voda II kategorije, a o eventualno utvrđenim nepravilnostima ako su u pitanju površinske vode I kategorije, bez odgađanja obavještavati kantonalnog, odnosno federalnog inspektora,
- Određivati i druge mjere u skladu sa federalnim i kantonalnim zakonom i na osnovu propisa i vodnih akata donesenih na osnovu zakona,
- Raditi na kontroli mjesnih vodovoda i za sve mjesne vodovode za koje ne postoji vodoprivredna dozvola izdati rješenje o potrebi izdavanja vodoprivredne dozvole u roku od 6 mjeseci,
- U skladu sa utvrđenim nadležnostima propisanim Zakonom o organizaciji organa uprave u Federaciji Bosne i Hercegovine, Zakonom o inspekcijama Zeničko-dobojskog kantona, potom u skladu sa programom rada Općinskog vijeća, redovno i prema potrebi pripremati izvještaje za Općinsko vijeće, Općinskog načelnika kao i izvršavati konkretne poslove i radne zadatke po zaduženju Općinskog načelnika.

Dostavljeno:

1. Naslovu 2x,
2. a/a.



Komunalno-sanitarno-vodoprivredni inspektor

M.P.

Merima Mahmutović, dipl. ing.tehnol.